

玄覽堂叢書

第八冊

文苑英華

交黎撫勦事略序

嘉靖三十八年
夏五月

嘉靖三十八年
夏五月

交黎撫勦事略者集總督少司

馬安成歐陽公所爲經略文字

也先是嘉靖丁未安南都統之

孽莫正中者以衆來奔其黨范

子儀寇欽州戕我偏裨圍城掠

野邊民苦之越明年黎賊那燕

挾衆攻厓感諸州縣縻沸事聞
上震怒屬公議勦平之又踰年議
成協議者少保平江伯陳公侍
御廬陵黃公莆田陳公內江蕭
公連百粵之兵簡文武之士統
督之以副總兵三司於是叅政
沈君應龍有交之役都督僉事

沈君希儀副使錢君嶸朱君道
瀾僉事徐君緝叅將武君鸞都
指揮張君國威有黎之役副使
黃君光昇方君民悅都指揮俞
君大猷則二役兼有之既乃移
鎮海上刺期底定伏波樓船之
功不是過矣公自經始告成及

預處兵後夙夜焦勞兢惕籌慮
萬全其大要則審兵端勵士氣
峙糗糧精器備核功罪增守臣
也爲疏若干首檄若干首鑒讀
之竊歎曰公可謂善於兵矣說
者謂交處一隅黎奉有司質約
其敢於矯虔擅署置踰犯近疆

一時徂征之勞皆前所未有而
况烟嶼瘴溪神出而鬼沒者以
奇勝也然有進于是焉且

中國之體重矣公豈忍吾民于水
火而忘憤懣乎顧惟

皇上大德如天無有遠邇内外均
於覆燾生育矧夷惡未盈猶庶

幾憬化是故公之誓師也文告
媿媿苟可致附而來猶將緩功
徐戰以爲之所也何其不獲已
歟公捷聞者二俘馘者累數千
計然善惡是非如判黑白無弗
畏且悅焉荒裔羈縻之臣屬朝
者款關貢者譯至又如覩雲日

于雷霆霜霰之後豈偶然哉於
此尤見公之不獲已也公之善
兵蓋在於此雖然余尤有槩窺
于公也公天性端嚴而厚重其
爲政惟務休息節養相安於無
事而未嘗一毫矜詡蓋仁人君
子心乎國家者也而博學宏識

邃於春秋其致審於華夷之辨
帝王以仁義爲兵盖有本焉然
則公之善兵又可知也庚戌之
夏

上以公久勞邊陲

嘉殊勲進南京都察院右都御史
副憲方君勞來疆理於海之南

北梓是集識公惓惓兵後之意
且謂予竊淑有年矣俾僭言於
首集凡二帙卷以彙分終二役
而止蓋公鎮廣以來諸他敷奏
論議視此殆什之七八尚以俟
紀太平者述焉

嘉靖辛亥孟春既望

賜進士正奉大夫廣東布政使司
左布政使前奉

勅提督學校浙江按察司副使翰
林院庶吉士南昌張鏊謹序

交黎勦平事畧目錄

第一卷

地圖

交南疆域圖

瓊州府疆域圖

第二卷

奏疏

保畱良將以安邊方以弭夷患疏

擒獲夷賊功次疏

第三卷

奏疏

平定夷賊查覈功罪以明賞罰疏

安南歲貢疏

擒斬獲叛賊疏

第四卷

奏疏

走報地方緊急黎情疏

懇乞大兵勦除劇惡黎賊早救民命以全

地方疏

預處兵後地方以圖治安疏

懇乞大兵勦除劇惡黎賊早救民命以全

地方疏

勦平黎賊查覈功罪以明賞罰疏

第四卷

朱疏

走報地方案卷和情疏

備平密運宜嘉依罪以明賞格疏

謝文淵

以明賞格疏

謝文淵以明賞格疏

交黎勦平事畧卷之一

交黎地圖

地圖者所以明華夷之限列山海之形識
險夷之勢稽廣狹之治夫限明則藩防重
形列則地利著勢識則守禦嚴治稽則撫
叙盡欽之於交也限防峻矣順而懷之逆
則威之制禦蠻夷之常道也瓊黎與吾民
錯居非交南在嶺隅之外者比誅亂撫良
綏和而變化之即吾民也觀斯圖者可以
知勦平交黎之畧矣